

Safonau Rheoleiddio Da 2018

Mae'r Safonau hyn yn sefydlu disgwyliadau'r Awdurdod ynghylch y canlyniadau mae'n disgwyl gan reolyddion a'u hymagwedd i'w gwaith.

Mae'r Safonau yn blaenoriaethu rôl graidd y rheolyddion yn:

- Amddiffyn cleifion a lleihau niwed
- Hyrwyddo safonau proffesiynol
- Cynnal hyder yn y proffesiynau.

Mae'r Safonau wedi eu hysbysu gan egwyddorion rheoleiddio da'r Awdurdod sy'n datgan y dylai rheolyddion weithredu mewn ffordd sydd:

- Yn gymesur
- Yn gyson
- Yn dargedig
- Yn dryloyw
- Yn atebol ac
- Yn hyblyg.

Byddwn yn archwilio perfformiad y rheolyddion gan ystyried yr egwyddorion hyn. Byddwn yn ystyried materion deddfwriaethol neu eraill tu allan i reolaeth y rheolydd a allai effeithio ar berfformiad. Mae'r Safonau yn cwmpasu pob agwedd o waith y rheolyddion yn cynnwys ble mae gan y rheolydd gyfrifoldeb dros fusnesau ac eiddo yn ogystal ag unigolion.

Bydd y Safonau yn cael eu hategu gan ganllaw ar y dystiolaeth fydd angen i farnu os yw'r Safonau hyn wedi eu bodloni.

Safonau Rheoleiddio Da 2018

Safonau Cyffredinol	
Safon un	Mae'r rheolydd yn darparu gwybodaeth gywir, cwbl hygyrch ynghylch ei gofrestryddion, gofynion rheoleiddiol, arweiniad, prosesau a phenderfyniadau.
Safon dau	Mae'r rheolydd yn glir ynghylch ei ddiben ac yn sicrhau y gweithredir ei bolisiâu yn briodol ar draws ei holl swyddogaethau ac y gweithredir dysgu perthnasol o un maes mewn eraill.
Safon tri	Mae'r rheolydd yn deall amrywiaeth poblogaeth y cofrestryddion a'i ddefnyddwyr gwasanaeth ac yn sicrhau nad yw ei brosesau yn cyflwyno rhwystrau gormodol neu'n creu unrhyw fath o anfantais arall i bobl gyda nodweddion gwarchoddedig.
Safon pedwar	Mae'r rheolydd yn adrodd ar ei berfformiad ac yn delio â phryderon a nodwyd amdano.
Safon pump	Mae'r rheolydd yn ymgynghori gydag a gweithio gyda chyflogwyr, rheolyddion a rhanddeiliaid eraill ar draws ei swyddogaethau i nodi a rheoli risgiau i'r cyhoedd parthed ei gofrestryddion.
Canllaw a Safonau	
Safon chwech	Mae'r rheolydd yn cynnal safonau ymddygiad a chymhwyster cyfredol a gedwir dan adolygiad ac yn blaenoriaethu gofal a diogelwch ble mae'r claf a'r defnyddiwr gwasanaeth yn ganolog.
Safon saith	Mae'r rheolydd yn darparu canllaw i helpu cofrestryddion weithredu'r Safonau ac yn sicrhau bod ei ganllaw yn gyfredol, yn delio â meysydd ymarfer newydd ac sy'n datblygu, ac yn blaenoriaethu gofal a diogelwch ble mae'r claf a'r defnyddiwr gwasanaeth yn ganolog.

Safonau Rheoleiddio Da 2018

Addysg a Hyfforddiant	
Safon wyth	Mae'r rheolydd yn cynnal safonau addysg a hyfforddiant cyfredol a gedwir dan adolygiad, ac yn blaenoriaethu gofal a diogelwch ble mae'r claf a'r defnyddiwr gwasanaeth yn ganolog.
Safon naw	Mae gan y rheolydd fecanwaith cymesur a thryloyw ar gyfer sicrhau bod y darparwyr a rhaglenni addysgol mae'n eu goruchwylio yn darparu myfyrwyr a hyfforddeion sy'n bodloni gofynion y rheolyddion ar gyfer cofrestru, ac yn gweithredu ble mae ei weithgareddau sicrwydd yn nodi pryderon naill ai am hyfforddiant neu bryderon diogelwch cleifion ehangach.
Cofrestrriad	
Safon deg	Mae'r rheolydd yn cynnal ac yn cyhoeddi cofrestr gywir o'r rhai sy'n bodloni ei ofynion yn cynnwys unrhyw gyfyngiadau ar eu hymarfer.
Safon un ar ddeg	Mae'r broses ar gyfer cofrestru, yn cynnwys apeliadau, yn gweithredu'n llyfn, yn deg ac effeithiol, gan esbonio penderfyniadau yn glir.
Safon deuddeg	Rheolir y risg o niwed i'r cyhoedd a difrod i hyder y cyhoedd yn y proffesiwn yn gysylltiedig â rhai nad ydynt wedi cofrestru yn defnyddio teitl a ddiogelir neu'n cyflawni gweithred a ddiogelir mewn modd cymesur a seiliedig ar risg.
Safon tair ar ddeg	Mae gan y rheolydd ofynion cymesur i fodloni ei hun fod cofrestryddion yn dal i fod yn addas i ymarfer.
Addasrwydd i Ymarfer	
Safon pedair ar ddeg	Mae'r rheolydd yn galluogi unrhyw un i fynegi pryder am gofrestrydd.
Safon pymtheg	Mae proses y rheolydd ar gyfer archwilio ac ymchwilio achosion yn gymesur, yn delio gydag achosion yn gyflym ac yn gyson gyda datrysiad teg o'r achos ac yn sicrhau bod y dystiolaeth orau posibl yn cael ei hystyried ar gyfer penderfyniadau yn ystod pob cam o'r broses.

Safonau Rheoleiddio Da 2018

Safon un ar bymtheg	Mae'r rheolydd yn sicrhau y gwneir pob penderfyniad yn unol â'i brosesau, eu bod yn gymesur, yn gyson a theg, yn ystyried yr amcanion statudol, safonau'r rheolydd a'r gyfraith achos berthnasol ac yn blaenoriaethu diogelwch cleifion a defnyddwyr gwasanaeth.
Safon dwy ar bymtheg	Mae'r rheolydd yn nodi ac yn blaenoriaethu pob achos sy'n awgrymu risg difrifol i ddiogelwch cleifion neu ddefnyddwyr gwasanaeth ac yn ceisio gorchmynion dros dro ble fo'n briodol.
Safon deunaw	Diweddarir pob parti mewn cwyn ar gynnydd eu hachos a'u cefnogi i gymryd rhan yn effeithiol yn y broses.